



**Lvdovici Molinæ, E Societate Iesv Theologiæ Doctoris, &  
Professoris, Commentaria, In primam D. Thomæ partem**

**Molina, Luis de**

**Lugduni, 1622**

Articvlvs X. Vtrum videntes Deum per essentiam, simul videant in eo  
omnia, quæ in ipso vident.

---

[urn:nbn:de:hbz:466:1-73915](#)

ARTICVLVS IX.

*Vtrum ea quæ videntur in Deo à videntibus  
diuinam essentiam per aliquas simi-  
litudines videantur.*

*Grati videt  
creaturs in  
Deo non per  
simil. sed per  
speciem ipsa  
diuinam in-  
ter specieis  
intelligibilis.*

**A**RTICVLVS hic ex dictis articulo 2. atque articulo præcedente satis intelligetur. Id enim, quod videtur secundum se ipsum, diuinam ipsa videtur per propriam sui speciem, vel per essentiam suam cōcurrentem ad modum speciei intelligibilis, si quantum satis est, coniuncta sit & accommodata intellectui: quod verò videtur in alio non videretur per propriam speciem, sed vel per speciem alterius, in qua videtur, vel per essentia alterius concurrentem ad modum speciei intelligibilis. Creature ergo quæ visione beatifica videntur in Deo, neque videntur per proprias species, neque per speciem Dei, quippe cum Deus ipse non videatur per speciem: sed videatur per diuinam essentiam ad modum speciei intelligibilis se habentem ad visionem Dei.

Hoc loco in argumento sed contra, & clarius in seriuus quæst. 14. artic. 5. docet D. Thomas, per speciem speculi videri rem in speculo repræsentatam. Contrarium tamen ex Philosophia & perspectiva constat, nempe distinctam esse speciem, qua videtur speculum, ab ea, per quam videtur res in speculo repræsentata. Speculum namque videtur per propriam speciem, vt D. Thomas ait, & constat, quando videtur, antequam à tergo nostro existat res, qua in eo repræsentetur: ea verò accende, illa emittit propriam speciem in speculum, qua mediante, in ea repræsentatur, atque appetit, & ab illa producitur alia in oculum, qua simul videtur tum species obiecti, qua appetit in speculo, tum etiam obiectum ipsum. Itaque per eandem speciem productam in oculum, & videtur species obiecti, qua appetit in speculo, & videtur obiectum ipsum, atque ita obiectum ipsum non videtur in se, sed in sua imagine, qua appetit speculo impressa: speculum tamen videtur per distinctam speciem, ea, qua videtur obiectum, quod in eo repræsentatur. Fortè illud primum, quod instituto inferuerat, voluit dicere hoc loco D. Thomas, & quæ 14. artic. 5. quamvis verba ipsius aliud significent.

Hæc dicta sunt iuxta vulgi opinionem, existimantis in speculo esse speciem obiecti habentem partem extra partem extensam in repræsentando obiectum ad extensionem speculi, quasi in una parte speculi repræsentetur caput Petri è regione existentis, & non pectus, neque alia membra: in alia verò repræsentetur pectus, & non caput, &c. atque in specie verè ita terminante aciem visus, vt re immédiatè visu confecta, mediátè conspicatur viterius. Petrus, qui à tergo nostro existit. Iuxta veram namque Philosophiam longè aliter dicendum est, ac vulgus opinatur: in libris enim de anima ostendimus, in singulis punctis speciei repræsentari totum Petrum, quoad omnes suas partes, à quibus ad singula puncta speculi licet lineam rectam ducere, qua non attingat corpus opacum interiectum: & ideo in singulis punctis speculi esse integrām speciem Petri in repræsentando totum obiectum, atque à singulis punctis fieri reflexionem illius speciei in oculum, nō sicut decipi, dum Petrum ipsum, qui oculis appetit in speculo, opinamur esse imaginem Petri habentem partem extra partem in repræsentando: non enim Petri imaginem, qua suapte natura inui-

sibilis est, & extra obiectum visus, intuemur, sed Petrum ipsum per eius speciem reflexam in alieno loco, vbi re vera non est, videlicet ultra speculum: è regione nobis apparentem conspicimus, fallaci nihilominus visione. Neque hæc est singularis nostra opinio, sed multorum qui in perspectiva & Philosophia habentur doctissimi. Verum de hac re suo loco, interim tamen vulgariter loquemur, & quæst. 14. artic. 5. & quæries occasio se obrulerit.

Hoc loco circa responsionem ad 2. D. Thomæ disputari poterat, an in Paulo post raptum manferit fides: quia tamen commodiorem locum habet ea disputatio 1. 2. quæst. 67. idcirco in eum locum eam relinquemus.

ARTICVLVS X.

*Vtrum videntes Deum per essentiam, simul  
videant in eo omnia, que in  
ipso vident.*

**S**IX Ver in hoc articulo dici poterant, dicta sunt articulo 8. disputatione penultima, inter examinandum tertium dubium ibi propositum, & disputatione ultima. Circa quæstionem autem illam, qua hoc loco poterat excitari, vtrum possimus intelligere simul plura per modum plurium, sat sint quæ diximus 1. Post. cap. 1. vbi partem affirmantem iudicauimus probabilem. Ea etiam de re sermo erit in materia de Angelis.

ARTICVLVS XI.

*Vtrum aliquis in hac vita posset videre Deum  
per essentiam.*

DISPUTATIO I.

**P**RÆPOSITA quæstio intelligitur de puro homine: Christus namque in hac mortali vita Deum videbat per essentiam. Præterea, sensus questionis non est, vtrum per vires naturæ possit homo in hac vita videre Deum per essentiam. In eo enim sensu pars, qua negat, definita fuit articulo 4. Neque item sensus questionis est, vtrum per potentiam Dei absolutam, id est, vtrum per potentiam Dei ab solutam, id est posse: nullus namque de parte, qua affirmat, dubitare potest. Ut enim Deus humanitati Christi id contulit, ita potentia sua absolute idem conferre potuit puro homini, & D. Thomas in responsione ad secundum concedit, Moysen & Paulum in hac vita vidisse Deum per essentiam. Sensus itaque questionis est, an de lege communis, & de potentia Dei ordinaria, possit quis in hac vita videre Deum per essentiam. In quo sensu definit Diuinus Thomas partem negantem, que est de fide, vt patet ex illo Ioan. 1. *Deum nemo vidit umquam. Et Exod. 33. Non videbit me homo & vivet.* Ratio autem, quam hoc loco adducit D. Thomas, solidum huins rei congruitatem ostendit.

Contra signum illud, quod hoc loco adducit D. Thomas, nempe quod quod anima plus abstrahitur à corporalibus, ead capacior redditur intelligibilium abstractorum, vnde per insomnia & alienationes à sensibus corporis magis diuinæ revelationes percipiuntur & prævisions futurorum, obiicit Scotus in

UNIVERSITATIS  
BIBLIOTHEK  
PADERBORN

*Videre non  
potest homo  
in hac vita  
Deum de le-  
ge ordinaria,  
Iesus autem  
de potentia  
Dei abso-  
luta.*